

Dr.sc. Lejla Žunić, vanredni profesor

Odsjek za geografiju

Prirodno-matematički fakultet, Univerzitet u Sarajevu

Uža naučna oblast: „Turizam“, *predsjednik komisije*

Dr.sc. Amra Banda, docent

Odsjek za geografiju

Prirodno-matematički fakultet, Univerzitet u Sarajevu

Uže naučne oblasti: „Turizam“ i „Geoekologija“, *član komisije*

Dr.sc. Amra Čaušević, docent

Odsjek za geografiju

Prirodno-matematički fakultet, Univerzitet u Sarajevu

Uža naučna oblast: „Turizam- ekonomska grupa predmeta“, *član komisije*

VIJEĆU PRIRODNO-MATEMATIČKOG FAKULTETA UNIVERZITETA U SARAJEVU

***Predmet:** Izvještaj sa prijedlogom za izbor saradnika u zvanje VIŠI ASISTENT za oblast „Turizam“ na Odsjeku za geografiju Prirodno-matematičkog fakulteta Univerziteta u Sarajevu – I izvršilac sa punim radnim vremenom*

Na osnovu člana 106. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20), čl.104. Statuta Univerziteta u Sarajevu, prijedloga Vijeća Odsjeka za geografiju od 30.12.2021. i Odluke Vijeća Univerziteta u Sarajevu- Prirodno-matematički fakultet sa elektronske 30. sjednice, održane 06.01.2022.godine, Dekan Fakulteta je donio Rješenje broj: 01/06-3326/2-2021 od 06.01.2022. godine, kojim je imenovana *Komisija za pripremanje prijedloga za izbor VIŠEG ASISTENTA za oblast: „Turizam“ na Odsjeku za geografiju Prirodno-matematičkog fakulteta Univerziteta u Sarajevu- I izvršilac sa punim radnim vremenom.*

Zadatak Komisije je da na osnovu prijave kandidata na Konkurs, objavljen 09.12.2021. godine u dnevnom listu «Dnevni Avaz», na web-stranici Fakulteta i na web-stranici Univerziteta u Sarajevu, Izvoda iz Zakona o visokom obrazovanju Kantona Sarajevo (Službene novine Kantona Sarajevo, broj: 33/17, 35/20 i 40/20), Izvoda iz Statuta Univerziteta u Sarajevu i Podsjetnika za pisanje referata za izbor nastavnika i saradnika Univerziteta u Sarajevu, podnese izvještaj sa prijedlogom Vijeću Univerziteta u Sarajevu- Prirodno-matematički fakultet, u roku koji ne može biti duži od 45 dana od isteka roka za podnošenje prijave na konkurs, odnosno najkasnije do 07.02.2022. godine.

Nakon uvida u dokumentaciju kandidata, Komisija u navedenom sastavu podnosi Vijeću Prirodno-matematičkog fakulteta u Sarajevu sljedeći

IZVJEŠTAJ

Na Konkurs za izbor SARADNIKA u zvanju VIŠEG ASISTENTA za oblast: „Turizam“ na Odsjeku za geografiju Prirodno-matematičkog fakulteta u Sarajevu- 1 izvršilac sa punim radnim vremenom, koji je objavljen 09.12.2021. godine u dnevnom listu «Dnevni Avaz», na web-stranici Fakulteta i na web-stranici Univerziteta u Sarajevu, prijavio se jedan (1) kandidat:

1. Aida (Asim) Avdić, magistar geografije- usmjerenje regionalno i prostorno planiranje

Na osnovu dostavljene potvrde broj: 02/01-3167/2-2021 od 28.12.2021. godine od strane Komisije Fakulteta: Jasmina Hasanbegović, dipl.iur., sekretar Fakulteta, dr. Samir Đug, redovni profesor i Jasmina Mujkić, dipl.iur., se konstatuje da je **Aida Avdić, magistar geografije- usmjerenje regionalno i prostorno planiranje, asistent na Odsjeku za geografiju** Univerziteta u Sarajevu- Prirodno-matematički fakultet, **blagovremeno, 20.12.2021. godine**, dostavila urednu prijavu na Konkurs za radno mjesto SARADNIKA u zvanju VIŠEG ASISTENTA *za oblast: „Turizam“* na Odsjeku za geografiju Univerziteta u Sarajevu- Prirodno-matematički fakultet- 1 izvršilac sa punim radnim vremenom.

Uz prijavu na konkurs, **MA Aida Avdić** je priložila sljedeće dokumente:

- *Biografiju i bibliografiju (u printanoj i elektronskoj formi na CD-u)*
- *Izvod iz matične knjige rođenih i Uvjerenje o državljanstvu (ovjerene kopije)*
- *Ovjerene kopije diploma I i II ciklusa studija*
- *Ovjerene kopije dodataka diplomi I i II ciklusa studija*
- *Ovjereno priznanje- Srebrna značka*
- *Odluke o izboru u zvanje asistenta (ovjerene kopije)*
- *Dokazi o pohađanju III ciklusa- potvrda o studijskom statusu*
- *Dokaz o poznavanju engleskog jezika (ovjerena kopija)*
- *Certifikate o stručnom usavršavanju (učešću u radionicama, seminarima, naučnim skupovima i konferencijama) (kopije i ovjerene kopije)*
- *Dokaze o nastavnim razmjenama (ERASMUS+teaching mobility)*
- *Naučne i stručne radove (u printanoj i elektronskoj formi na CD-u; dva seta radova zasebno po 70 listova+Praktikum)*

1. BIOGRAFSKI PODACI

1.1. BIOGRAFSKI PODACI KANDIDATA (SUMARNO):

MA Aida Avdić, magistar geografije- usmjerenje regionalno i prostorno planiranje

- Rođena je 09.10.1992. godine u Makarskoj, Republika Hrvatska (Izvod iz matične knjige rođenih, broj: 11-10-28555/21 od 16.12.2021. godine);
- Državljanica Bosne i Hercegovine (Uvjerenje o državljanstvu Bosne i Hercegovine, broj: 11-10-28556/21 od 16.12.2021. godine);
- Srednju školu (Gimnaziju „Edhem Mulabdić“) završila je u Maglaju (2007-2011);
- Prvi ciklus studija geografije, smjer: Regionalno i prostorno planiranje, na Odsjeku za geografiju Prirodno-matematičkog fakulteta Sarajevo, završila u redovnom roku (2011-2015), odbranila završni- diplomski rad („*Demogeografske promjene općine Maglaj u periodu 1991.-2013.*“) sa ocjenom (10) dana 10.09.2015. godine i time stekla diplomu o stečenoj akademskoj tituli i stručnom zvanju: *bakalaureat/bachelor regionalnog i prostornog planiranja* (Diploma broj: 1086/2015 od 07.11.2015.);
- Prvi ciklus studija završila je sa 240,0 ECTS bodova i s prosječnom ocjenom studija 8,91;
- Drugi ciklus studija geografije, smjer: Regionalno i prostorno planiranje, na Odsjeku za geografiju Prirodno-matematičkog fakulteta Sarajevo, završila u redovnom roku (2015-2016), odbranila završni- magistarski rad („*Demogeografske karakteristike Federacije Bosne i Hercegovine kao osnova prostornog planiranja*“) sa ocjenom (10) dana 30.09.2016. godine i time stekla diplomu o stečenoj akademskoj tituli i zvanje: *magistar geografije, usmjerenje regionalno i prostorno planiranje* (Diploma broj: 622/2016 od 05.11.2016.);
- Drugi ciklus studija završila sa 60,0 ECTS bodova i sa prosječnom ocjenom studija 9,67;
- Prosječna ocjena Prvog i Drugog ciklusa studija geografije (zbir svih ocjena/ ukupan broj predmeta) iznosi 9,02;
- Prosjek na predmetima iz oblasti Turizam (*1 predmet- Turističko planiranje*): 10,00;
- Dobitnica je posebnog priznanja: „Srebrna značka“ Univerziteta u Sarajevu (Potvrda br. 64/16 od 05.11.2016. godine);
- Poslijediplomski sveučilišni doktorski studij „Doktorski studij geografije: prostor, regija, okoliš, pejzaž“ na Geografskom odsjeku Prirodoslovno-matematičkog fakulteta Sveučilišta u Zagrebu upisala je 2019. godine, a aktuelno je student II godine studija u akademskoj 2021/2022. godini (Potvrda URBROJ: 251-58-10809-21-77 od 16.12.2021.);
- Uspješno odbranila temu doktorske disertacije pod naslovom „Geografski aspekt proučavanja pograničja- primjer Bosne i Hercegovine“ na dan 10.12.2021. (objava o javnoj odbrani teme doktorskog rada na web-stranici PMF- Univerzitet u Zagrebu);
- Maternji jezik: bosanski;
- Poznaje engleski jezik- položen B2 nivo programa za poslovni engleski jezik (Certifikat Centra za poslovnu edukaciju, Certifikat ID: 4126-15 od 10.04.2015. godine);

- Navodi da dobro poznaje njemački jezik, pasivno u govoru i pismu (*bez priloženog certifikata*);
- Navodi da posjeduje kompjuterske vještine: ESRI ArcGIS (ArcMap), Google Earth Pro, CorelDraw, WordPress sistem za upravljanje sadržajem (CMS), MS Office paket i dr. (*bez priloženih certifikata*) uz napomenu da je postigla najvišu ocjenu iz Praktikuma u GIS (10), Odsjek za geografiju, PMF UNSA;
- Navodi da je obavila stručno osposobljavanje (*volontiranje*) u Kabinetu načelnika općine Novo Sarajevo (2017-2018) (*bez priložene potvrde*);
- Asistent na Odsjeku za geografiju PMF UNSA od 2018. godine (Odluka broj: 01/06-1102/8-2018 od 10.07.2018. godine);
- Ima proveden izborni period u zvanju „asistenta“ (*četiri godine: 2018-2022*);
- Participirala 2x na ERASMUS programu razmjene (2019. i 2021.);
- Aktivno učestvovala na 5 naučnih skupova (3 konferencije i 2 kongresa);
- Stekla je nastavno-pedagoško iskustvo u svojstvu *asistenta* na Odsjeku za geografiju;
- Usavršava pedagoške vještine i kompetencije- pohađala 2 pedagoška seminara, UNSA;
- Aktivni član Geografskog društva u Federaciji Bosne i Hercegovine;
- Član Organizacijskog odbora, 7th International Tourism and Hospitality Management Congress (ITHMC 2021), 15-19. septembar 2021., Sarajevo;
- Moderator sesije, 5th International Tourism and Hospitality Management Congress (ITHMC 2019), 2-6. oktobra 2019, Sarajevo;
- Dosad je objavila pretežno u svojstvu *koautora* ukupno 12 stručnih i naučnih radova, dok od izbora u zvanje „asistent“ ukupno 8 (*6 radova, 1 apstrakt i 1 praktikum*);
- *Koautor* na recenziranom praktikumu „Praktikum- demografske analize“, PMF Sarajevo, 2021;
- Aktivni učesnik na 1 međunarodnom, bilateralnom projektu u svojstvu „mladog istraživača“ (priložena potvrda PMF UNSA, br. 01/01-3137/1-2021 od 14.12.2021. godine);
- Kroz učešće na doktorskom studiju, programima razmjene, naučnim skupovima i projektima ostvarila domaću i inostranu saradnju sa institucijama i kolegama iz oblasti „turizma“, naročito sa *Prirodoslovno-matematičkim fakultetom u Zagrebu* i *Filozofskim fakultetom u Kopru*.

1.2. NAPREDOVANJE U OBRAZOVANJU:

- **2019 – aktuelno:** poslijediplomski sveučilišni doktorski studij *Doktorski studij geografije: prostor, regija, okoliš, pejzaš*, Geografski odsjek, Prirodoslovno-matematički fakultet, Sveučilište u Zagrebu; upisana u II godinu studija; odbranjena tema doktorske disertacije pod naslovom „Geografski aspekt proučavanja pograničja– primjer Bosne i Hercegovine“ (10. 12. 2021.);

- **2015 – 2016:** *Postdiplomski studij*- Odsjek za geografiju, Prirodno-matematički fakultet, Univerzitet u Sarajevu (smjer: Regionalno i prostorno planiranje), stečeno zvanje: **Magistar geografije, usmjerenje regionalno i prostorno planiranje;**
- **2011 – 2015:** *Dodiplomski studij*- Odsjek za geografiju, Prirodno-matematički fakultet, Univerzitet u Sarajevu (smjer: Regionalno i prostorno planiranje), stečeno zvanje: **Bakalaureat/bachelor regionalnog i prostornog planiranja;**
- **2007 – 2011:** Srednje obrazovanje- Gimnazija „Edhem Mulabdić“, Maglaj.

1.3. NAGRADE I PRIZNANJA:

- ❖ „Srebrna značka“ Univerziteta u Sarajevu (Potvrda br. 64/16 od 05.11.2016. godine);

1.4. KRETANJE U SLUŽBI:

- **2018– aktuelno:** Asistent za uže naučne oblasti: „Društvena geografija“ i „Turizam“, Odsjek za geografiju, Prirodno-matematički fakultet, Univerzitet u Sarajevu;
- **2017-2018:** Lice na stručnom osposobljavanju u Kabinetu načelnika Općine Novo Sarajevo; Općina Novo Sarajevo, Sarajevo

2. NAUČNI I STRUČNI RAD KANDIDATA:

2.1. UKUPNI NAUČNI, NAUČNO-STRUČNI I STRUČNI RADOVI KANDIDATA:

- *od izbora u zvanje „asistent“ (sa osvrtom Komisije na sadržaj radova)*

1. Čaušević, A.; Mirić, R.; Avdić, B.; Avdić, A.; Džaferagić, A.; Organized Travel vs Individual Travel—the Case of Sarajevo, The Central European Journal of Regional Development and Tourism, 1 (2021), 13, The Regional Science Association of Subotica & University of South Bohemia, pp. 94-120 (recenzirani članak)

(WOS, Scopus, ERIH PLUS, DOAJ, MTMT, KoBSON)

Kratki opis rada: Cilj rada je istražiti razlike između stranih turista koji su u Sarajevo došli pojedinačno i onih čije je putovanje organizirala putnička agencija. Izvršena je komparativna analiza sa aspekta načina putovanja i ispitan opći kvalitet ponude turističke destinacije, ukupno zadovoljstvo turista i lojalnost. Korištena je deskriptivna statistika i Mann – Whitney U test. Rezultati su pokazali da strani turisti koji su posjetili Sarajevo individualno imaju pozitivniji stav i deklarativno su zadovoljniji turističkom destinacijom, pa su zato lojalniji i spremniji ponovo posjetiti navedenu destinaciju, nego strani turisti koji su je posjetili preko turističke agencije/ ili drugog organizatora. Pokazalo se i da nema statistički značajne razlike između posjetitelja koji su posjetili Sarajevo pojedinačno ili posredstvom organizatora kad je posrijedi opći kvalitet destinacijske ponude, kao i to da postoji opće zadovoljstvo i namjera preporuke Sarajeva prijateljima i rodbini.

2. Pobrić, A.; Avdić, A., Praktikum - demografske analize, Sarajevo: Prirodno - matematički fakultet Univerziteta u Sarajevu, (2021) (recenzirani praktikum)

(CIP NUBBiH: 314(075.8)(076), ISBN 978-9926-453-38-1, COBISS.BH-ID 45953286)

Kratak opis publikacije: Praktikum je namijenjen je studentima I ciklusa studija na Odsjeku za geografiju, koji izučavaju predmete Demogeografija i Stanovništvo u regionalnom i prostornom planiranju. Cilj je da studenti steknu vještine i znanja za samostalno prikupljanje ili pronalaženje, obradu i analizu demografskih podataka. Primijenjena geografska znanja i vještine imaju veliki značaj u rješavanju mnogih stvarnih društvenih, ekonomskih i ekoloških problema. Geografija kao kompleksna nauka ima za predmet proučavanja i stanovništvo svijeta sa njegovim savremenim promjenama u kvantitativnom i kvalitativnom smislu. Tematika stanovništva je jedna od najkompleksnijih prilikom razmatranja zakonitosti razvoja ljudskog društva. Geografski pristup ima istaknuto mjesto u demografskim analizama, naročito uz upotrebu GIS-a, a primjena populacijsko-geografskih znanja i vještina obuhvata razumijevanje i rješavanje kompleksnih problema na svim prostornim nivoima, od lokalnog do globalnog. Praktikum ima za cilj da studentima geografije predoči primjer sveobuhvatne demografske analize iskoristive u različite svrhe, a naročito za potrebe prostornog planiranja. Za svaku sadržajnu jedinicu, dostupni su primjeri u vidu karte, dijagrama i sl.

3. Pobrić, A.; Avdić, A., Depopulacija i starenje stanovništva u Kantonu 10 – Bosna i Hercegovina, Zbornik radova 5. kongresa geografa Bosne i Hercegovine, 5 (2021), Geografsko društvo u Federaciji Bosne i Hercegovine, 108-120 (recenziran članak)
(Geografsko društvo u Federaciji Bosne i Hercegovine, ISSN 2566-3607)

Kratak opis rada: U radu autori razmatraju demografske karakteristike Kantona 10 između popisa stanovništva provedenih 1991. i 2013. godine. Proces depopulacije, posebno u ruralnim područjima, sve je intenzivniji zbog izraženih nepovoljnih trendova u dinamici demografskih procesa. Kanton 10, u zapadnom dijelu Bosne i Hercegovine odabran je za studiju slučaja problema depopulacije kao regije, koja je čak i gradove Kantona ostavila u situaciji ekstremno slabe naseljenosti. Kanton se suočava sa demografskim starenjem i stalnim smanjenjem upisa djece u prve razrede osnovnih škola. Objasnjena je uzročna veza između procesa opšte depopulacije, a rezultati ukazuju na njihove dalekosežne nepovoljne efekte na budući razvoj kantonalnog stanovništva.

4. Hrelja, E.; Sivac, A.; Avdić, A.; Džaferagić, A., Analysis of Land Cover Changes in the Area of the Town of Goražde, Geografski pregled br. 43 (2020), Geografsko društvo u Federaciji Bosne i Hercegovine, 37-46 (recenziran članak)

(Geografsko društvo u Federaciji Bosne i Hercegovine, ISSN 2566-3607, e-ISSN: 2303-8950)

Kratak opis rada: Predmet istraživanja rada je analiza promjena zemljišnog pokrivača na području grada Goražda. Nakon 1995. godine u Bosni i Hercegovini je neadekvatno prostorno planiranje rezultiralo značajnim nepovoljnim promjenama zemljišnog pokrivača. Istraživanje ima za cilj utvrditi intenzitet promjena zemljišnog pokrivača u posljednjih nekoliko decenija na istraživanom području. Analiza je zasnovana na topografskim kartama iz 1980. godine, Google Earth snimcima, zatim Corina Land Cover snimcima iz 2000., 2006., 2012. i 2018. godine. Istraživanje je provedeno kroz nekoliko faza: prvi dio rada odnosi se na određivanje geografskog položaja područja i definiranje njegovih komponenti; drugi dio rada bavi se detaljnom analizom promjena svih kategorija zemljišnog pokrivača u posljednjih dvadesetak godina; treći dio rada obuhvata komparativnu analizu kvantitativnih i kvalitativnih pokazatelja pokrovnosti zemljišta navedenog grada. Kompleksan postupak analize obavljen je pomoću GIS-a, gdje su kreirane odgovarajuće baze podataka i izvršena kartografska vizualizacija istraživanog područja.

5. Banda, A.; Korjenić, A.; Avdić, A., Gastronomic Tourism in the Central Bosnia Region, Journal of Tourism and Hospitality Management, 6 (2020), Faculty of Science, University of Sarajevo, pp 7-25 (recenziran članak)
(CGP; ISSN: 2566-2872; On-line ISSN: 2566-2880)

Kratak opis rada: Cilj rada je da izvrši identifikaciju vodećih gastronomskih potencijala kojima raspolaže Regija Središnja Bosna, te da ukaže na nužnost stavljanja istih u funkciju razvoja određenih vidova turizma. Atraktivnost hrane, posebno nacionalne, predispozicija je za razvijanje određenih oblika turizma: ruralnog,

ekoturizma, gastronomskog i enogastronomskog turizma, u čijem fokusu je zdrava i organska hrana. Iako hrana nije osnovni motiv za mnoge turiste, sve je prisutniji trend manifestacionog turizma, festivali hrane, gdje je gastronomija središnji ili prateći motiv manifestacije. Rezultati su pokazali da je stepen valorizacije gastronomskog turizma u navedenoj regiji na veoma skromnom nivou. Ne postoji značajniji interes za razvoj ovog oblika turizma od strane turističkih organizacija, lokalnih i kantonalnih vlasti. Ne postoje sistemski podsticaji stanovništva za njegov razvoj u seoskim domaćinstvima i predstavljanje tradicionalnih proizvoda posjetiocima. Nema interesa kod stručnih osoba iz oblasti turizma i kulinarstva za izradu strategije i modula za unapređenje gastronomske ponude. Suština je da regija ima veliki potencijal za organsku proizvodnju, jer posjeduje nezagađeno zemljište, klimatske pogodnosti i brojne poljoprivredne proizvođače, a tradicionalno bavljenje poljoprivredom dovelo je do finalnih proizvoda koji mogu predstavljati nacionalne, regionalne, pa i internacionalne brendove.

6. Banda, A.; Korjenić, A.; Avdić, A.; Sivac, A., Ecotourism in the Protected Areas of the Federation of Bosnia and Herzegovina: A Case Study of Natural Monument "Tajan", Geografski preglad, (2019), 41, GDFBiH, 69-85 (recenziran članak)
(Geografsko društvo u Federaciji Bosne i Hercegovine, ISSN 2566-3607, e-ISSN: 2303-8950)

Kratak opis rada: U posljednjih dvadeset godina u turističkom sektoru, ekoturizam je novi trend kao odgovor na pretjerano iskorištavanje neobnovljivih resursa za potrebe turizma. Bosna i Hercegovina je svrstana u zemlje sa najmanjom površinom pod formalnom zaštitom u Evropi. Cilj, koji u posljednje vrijeme podržavaju međunarodne institucije u Bosni i Hercegovini, je da se kroz različite inicirane projekte, prošire zaštićena područja i iskoristi njihov razvojni potencijal. Motivi su zaštita izuzetno bogatog biodiverziteta od globalnog značaja, te ekonomski razvoj zaštićenih područja, lokalnih zajednica i države u cjelini. Rad objašnjava značaj ekoturizma, s posebnim osvrtom na njegov razvoj u zaštićenim područjima Federacije Bosne i Hercegovine, na primjeru spomenika prirode Tajan- V kategorija prema IUCN (jedino ZP u Zeničko-dobojskom kantonu). Analizirajući postojeće stanje njegove sadašnje turističke valorizacije, kao i mogućnosti korištenja u turističke svrhe u budućem razvoju, u radu su identifikovani osnovni problemi i date smjernice za promociju ekoturizma na ovom području.

7. Avdić, B.; Avdić, A.; Sivac, A., Depopulativni procesi u naseljima regije Visokog krša u Bosni i Hercegovini, Knjiga sažetaka sedmog hrvatskog geografskog kongresa, Hrvatsko geografsko društvo (2019), str. 89-92. (recenzirani sažetak)

(Hrvatska znanstvena bibliografija CROSBID ID: 1068583, ISSN 1849-8353)

Kratak opis rada: Depopulacija krških predjela je trend koji je dugotrajno prisutan u dinarskoj oblasti, što je fenomen također izražen i u susjednim državama. Naročito se to odnosi na ruralna naselja, obzirom na limitirane uslove za razvoj poljoprivrede i provođenje različitih infrastrukturnih projekata. Posljednja ratna dešavanja su ubrzala već postojeće depopulacijske procese, koji su tako zahvatili veći dio Bosne i Hercegovine, ali ne jednakim intenzitetom. Ove tendencije su primarno izražene u ruralnim područjima. Osnovni cilj ovog rada jeste utvrđivanje stanja opće depopulacije u regiji Visokog krša, kako na nivou cijele regije, tako i njenih sastavnih administrativnih jedinica (prvenstveno posmatrano kroz općine), ali i pojedinačnih naseljenih mjesta (urbanih i ruralnih). Za to su korišteni podaci sa posljednja dva popisa stanovništva, iz 1991. i 2013. godine, čijom se analizom došlo do presjeka demografskog stanja u ovim pasivnim i ekonomski najslabije razvijenim dijelovima Bosne i Hercegovine.

8. Avdić, A.; Banda, A.; Korjenić, A.; Sivac, A.; Novi trendovi avanturističkog turizma sa osvrtom na Bosnu i Hercegovinu (sažetak i prezentacija), Naučno-stručna konferencija Odsjeka za geografiju Prirodno-matematičkog fakulteta u Sarajevu „Outdoor turizam u Bosni i Hercegovini – stanja i perspektive“, Sarajevski festival turizma, KJP Centar Skenderija, Sarajevo, 25.10.2019. (2019), str. 99.

(Publikacija KJP Centar „Skenderija“ Sarajevo, Javni katalog- Program SFT-2019)

Kratki opis rada: Cilj rada je da istakne glavne trendove u razvoju avanturističkog turizma u svijetu, kao i stanje i perspektive istoga u Bosni i Hercegovini. Outdoor ili avanturistički turizam je novi koncept u turističkoj

industriji, koji predstavlja aktivnosti koje podrazumijevaju fizički napor, kulturalnu razmjenu i aktivnosti u prirodi. Speleoturizam, planinsko penjanje, ekoturizam, kampiranje, pecanje, rafting i ronjenje samo su neki od oblika ove vrste turizma. Avanturistički turizam je jedna od najbrže rastućih grana koji direktno i indirektno utiče na zapošljavanje, a tako i na rast cjelokupne ekonomije, privlači strane turiste, a veliki značaj se ogleda i u zaštiti prirodnih resursa. Ovaj trend prepoznat je i na području Bosne i Hercegovine, čemu u prilog ide i podatak da fondovi za projekte u oblasti turizma podrazumijevaju i ističu važnost avanturističkog turizma kroz promociju turističkih potencijala zemlje. U poređenju sa zemljama u regionu, BiH turizam je na početku svog razvoja, ali raznovrsnost prirodnih resursa i netaknuta priroda predstavljaju veliki potencijal za razvoj ove atraktivne grane.

➤ **do izbora u zvanje „asistent“ (navedeni u CV, ali nisu priloženi uz prijavnu dok.):**

9. Pobrić, A.; Avdić, A., Demografske karakteristike i promjene Zeničko-dobojskog kantona, Zbornik radova Četvrtog kongresa geografa Bosne i Hercegovine, 2015, str. 121–133 (recenzirani članak)

(*Geografsko društvo u Federaciji Bosne i Hercegovine, ISSN 2566-3607*)

10. Avdić, A., Demogeografske karakteristike Federacije Bosne i Hercegovine kao osnova prostornog planiranja, Magistarski rad, Odsjek za geografiju Prirodno-matematičkog fakulteta Univerziteta u Sarajevu, 2016

(*Prirodno-matematički fakultet- broj MA 79, 2016*)

11. Avdić, A.; Jašić, Dž., Novi trendovi poljoprivrednog razvoja općine Maglaj, Acta geographica Bosniae et Herzegovinae, 5 (2016), 107-116 (domaća recenzija, prethodno priopćenje)

(*ROAD; e-ISSN 2303-730X*)

12. Avdić, A., Demogeografske promjene općine Maglaj u periodu 1991 – 2013., Diplomski rad, Odsjek za geografiju Prirodno-matematičkog fakulteta Univerziteta u Sarajevu, 2015

(*Prirodno-matematički fakultet- broj 1450 (B246), 2015*)

2.1.1. Kategorizacija radova- od izbora u zvanje „asistent“:

❖ **Recenzirani udžbenici, knjige, praktikumi:**

1. Pobrić, A.; Avdić, A., Praktikum - demografske analize, Sarajevo: Prirodno - matematički fakultet Univerziteta u Sarajevu, (2021) (recenzirani praktikum)

(*CIP NUBBiH: 314(075.8)(076), ISBN 978-9926-453-38-1, COBISS.BH-ID 45953286*)

❖ **Članci u međunarodnim indeksiranim časopisima ili domaćim časopisima sa naučnom recenzijom:**

1. Čaušević, A.; Mirić, R.; Avdić, B.; Avdić, A.; Džaferagić, A.; Organized Travel vs Individual Travel—the Case of Sarajevo, The Central European Journal of Regional Development and Tourism, 1 (2021), 13, The Regional Science Association of Subotica & University of South Bohemia, pp. 94-120 (recenzirani članak)

(WOS, Scopus, ERIH PLUS, DOAJ, MTMT, KoBSON)

2. Hrelja, E.; Sivac, A.; Avdić, A.; Džaferagić, A., Analysis of Land Cover Changes in the Area of the Town of Goražde, *Geografski pregled* br. 43 (2020), Geografsko društvo u Federaciji Bosne i Hercegovine, 37-46 (recenziran članak)

(*Geografsko društvo u Federaciji Bosne i Hercegovine, ISSN 2566-3607, e-ISSN: 2303-8950*)

3. Banda, A.; Korjenić, A.; Avdić, A., Gastronomic Tourism in the Central Bosnia Region, *Journal of Tourism and Hospitality Management*, 6 (2020), Faculty of Science, University of Sarajevo, pp 7-25 (recenziran članak)

(*CGP; ISSN: 2566-2872; On-line ISSN: 2566-2880*)

4. Banda, A.; Korjenić, A.; Avdić, A.; Sivac, A., Ecotourism in the Protected Areas of the Federation of Bosnia and Herzegovina: A Case Study of Natural Monument "Tajan", *Geografski pregled*, (2019), 41, GDFBiH, 69-85 (recenziran članak)

(*Geografsko društvo u Federaciji Bosne i Hercegovine, ISSN 2566-3607, e-ISSN: 2303-8950*)

❖ **Radovi u zbornicima ili knjigama sažetaka:**

1. Pobrić, A.; Avdic, A., Depopulacija i starenje stanovništva u Kantonu 10 – Bosna i Hercegovina, *Zbornik radova 5. kongresa geografa Bosne i Hercegovine*, 5 (2021), Geografsko društvo u Federaciji Bosne i Hercegovine, 108-120 (recenziran članak)

(*Geografsko društvo u Federaciji Bosne i Hercegovine, ISSN 2566-3607*)

2. Banda, A.; Korjenić, A.; Avdić, A., Gastronomic Tourism in the Central Bosnia Region, *Journal of Tourism and Hospitality Management*, 6 (2020), Faculty of Science, University of Sarajevo, pp 7-25 (recenziran članak)

(*CGP; ISSN: 2566-2872; On-line ISSN: 2566-2880*)

3. Avdić, B.; Avdić, A.; Sivac, A., Depopulativni procesi u naseljima regije Visokog krša u Bosni i Hercegovini, *Knjiga sažetaka sedmog hrvatskog geografskog kongresa, Hrvatsko geografsko društvo* (2019), str. 89-92. (recenzirani sažetak)

(*Hrvatska znanstvena bibliografija CROSBID: 1068583, ISSN 1849-8353*)

4. Avdić, A.; Banda, A.; Korjenić, A.; Sivac, A.; Novi trendovi avanturističkog turizma sa osvrtom na Bosnu i Hercegovinu (sažetak i prezentacija), *Naučno-stručna konferencija Odsjeka za geografiju Prirodno-matematičkog fakulteta u Sarajevu „Outdoor turizam u Bosni i Hercegovini – stanja i perspektive“*, Sarajevski festival turizma, KJP Centar Skenderija, Sarajevo, 25.10.2019. (2019), str. 99.

(*Publikacija KJP Centar „Skenderija“ Sarajevo, Javni katalog- Program SFT-2019*)

❖ **Akademski radovi:**

I. Avdić, A. (2015): „Demogeografske promjene općine Maglaj u periodu 1991 – 2013.“, Diplomski rad, Odsjek za geografiju Prirodno-matematičkog fakulteta Univerziteta u Sarajevu (*Prirodno-matematički fakultet- broj 1450 (B246), 2015*)

II. Avdić, A. (2016): „Demogeografske karakteristike Federacije Bosne i Hercegovine kao osnova prostornog planiranja“, Magistarski rad, Odsjek za geografiju Prirodno-matematičkog fakulteta Univerziteta u Sarajevu (*Prirodno-matematički fakultet- broj MA 79, 2016*)

2.2. USAVRŠAVANJE- UČEŠĆE NA MEĐUNARODNIM I DOMAĆIM NAUČNIM SKUPOVIMA (KONFERENCIJAMA, KONGRESIMA, SIMPOZIJUMIMA); SEMINARIMA I RADIONICAMA; PROJEKTIMA- od izbora u zvanje „asistent“

- ERASMUS+teaching assignment, Palacky University Olomouc, Faculty of Science, Department of Geography, 22-26. novembar, 2021., Olomouc, Češka Republika od 26.11.2021.- *participant*;
- ERASMUS+teaching mobility program, University of Debrecen, UD Faculty of Science and Technology, Dep. Of Social Geography and Regional Development Planning, 25-29.03.2019. od 15.12.2021.- *participant, oblast: Earth Sciences*
- 7th International Tourism and Hospitality Management Congress (ITHMC 2021), 15-19. septembar 2021., Sarajevo, Bosna i Hercegovina- *aktivni učesnik i član Organizacijskog odbora*;
- Potvrda o sudjelovanju na 7. hrvatskom geografskom kongresu, 9-11. oktobar 2019. godine u Čakovcu, Hrvatska- *aktivni učesnik*;
- 5th International Tourism and Hospitality Management Congress (ITHMC 2019), 2-6. oktobra 2019., Sarajevo, Bosna i Hercegovina- *aktivni učesnik i moderator sesije*;
- Naučno-stručna konferencija Odsjeka za geografiju Prirodno-matematičkog fakulteta u Sarajevu „Outdoor turizam u Bosni i Hercegovini – stanja i perspektive“, Sarajevski festival turizma, KJP Centar Skenderija, Sarajevo, 23-25.10.2019- *aktivni učesnik*;
- Program obuke akademskog nastavnog osoblja iz oblasti inkluzivnog obrazovanja u okviru projekta “Visoko obrazovanje- obrazovanje za sve” u trajanju od 9 sati, 18. i 19. juni 2019., Ured za podršku studentima Univerziteta u Sarajevu- *učesnik*;
- 5. Kongres geografa Bosne i Hercegovine, 18-20 novembar 2020., Sarajevo, Bosna i Hercegovina- *aktivni učesnik*;
- Program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu, Training Research for Academic Newcomers, 02.09-04.10.2019- *učesnik*;
- Učešće na aktuelnom projektu "Komparativna analiza prostornog razvoja održivog turizma u zaštićenim područjima Bosne i Hercegovine i Slovenije"- bilateralni naučno-istraživački projekat, Bosna i Hercegovina i Republika Slovenija- *mladi istraživač*.

2.3. NAUČNO-ISTRAŽIVAČKI I OBRAZOVNI PROJEKTI:

- ❖ 2021-2023: "*Komparativna analiza prostornog razvoja održivog turizma u zaštićenim područjima Bosne i Hercegovine i Slovenije*"– bilateralni naučno-istraživački projekat između Bosne i Hercegovine i Republike Slovenije (projekat u toku; predviđeno vrijeme završetka 30.06.2023). Finansijer (iz BiH): Federalno ministarstvo obrazovanja i nauke. Pozicija u projektu: *mladi istraživač*
- ❖ ERASMUS+teaching assignment, Palacky University Olomouc, Faculty of Science, Department of Geography, 22-26. novembar, 2021., Olomouc, Češka Republika od 26.11.2021.- *participant*
- ❖ ERASMUS+teaching mobility program, University of Debrecen, UD Faculty of Science and Technology, Dep. Of Social Geography and Regional Development Planning, 25-29.03.2019. od 15.12.2021.- *participant, oblast: Earth Sciences*

3. NASTAVNO-PEDAGOŠKI RAD:

- **2018-** : Asistent za uže naučne oblasti: „Društvena geografija“ i „Turizam“, Odsjek za geografiju, Prirodno-matematički fakultet, Univerzitet u Sarajevu;
- **Izvodi vježbe iz više nastavnih predmeta (12) na I ciklusu studija:**
 - Demogeografija
 - Opća ekonomska geografija
 - Saobraćajna geografija
 - Industrijska geografija
 - *Turizam i privreda (oblast: Turizam)*
 - Privreda u regionalnom i prostornom planiranju
 - Stanovništvo u regionalnom i prostornom planiranju
 - Stanovništvo u regionalnim i prostornim planovima
 - Konceptija i metodologija regionalnog i prostornog planiranja
 - Uzroci geoekoloških neravnoteža
 - *Turizam i globalizacija (oblast: Turizam)*
 - Humana geografija
- Učestvuje u izvođenju ***Terenske nastave*** na Odsjeku za geografiju.

MA Aida Avdić usavršava svoje pedagoške vještine, a u realizaciji nastave uspješno koristi savremena nastavna sredstva, nastavne metode i prati dostignuća savremene geografske nauke, te taj način doprinosi kvalitetu nastave. Posjeduje GIS vještine, koje aktivno primjenjuje u realizaciji nastave (vježbi), radova i projekata iz oblasti turizma. Posjeduje komunikacione, jezičke i informatičke vještine, koje doprinose dinamici saradnje i kvalitetnom obavljanju stručnih i naučnih zadataka.

4. SARADNJA SA INSTITUCIJAMA RELEVANTNIM ZA STRUČNU I NAUČNU OBLAST

MA Aida Avdić je u proteklom izbornom periodu ostvarila funkcionalnu saradnju iz oblasti turizma sa kolegama i institucijama, kako iz Bosne i Hercegovine, tako i inostranstva. Poseban vid saradnje kroz pohađanje doktorskog studija, stručno i naučno usavršavanje, učešće u izradi radova i projekata, ostvaren je sa *Geografskim odsjekom Prirodoslovno-matematičkog fakulteta Sveučilišta u Zagrebu (Republika Hrvatska)* i sa *Oddelekom za geografiju Fakulteta za humanističke studije Univerze na Primorskem u Kopru (R. Slovenija)*.

4.1. ČLANSTVO U STRUČNIM TIJELIMA I PROFESIONALNI ANGAŽMAN

- **Od 2018- aktuelno:** Asistent za oblasti „Društvena geografija“ i „Turizam“ na Odsjeku za geografiju, Prirodno-matematički fakultet, Univerzitet u Sarajevu
- **2021-** Član Organizacijskog odbora, 7th International Tourism and Hospitality Management Congress (ITHMC 2021), 15-19. septembar 2021., Sarajevo
- **2019-** Moderator sesije, 5th International Tourism and Hospitality Management Congress (ITHMC 2019), 2-6. oktobra 2019, Sarajevo
- **2018- :** Aktivni član Geografskog društva u Federaciji Bosne i Hercegovine

5. ZAKLJUČAK: PRIJEDLOG SA OBRAZLOŽENJEM

Na osnovu analize svih raspoloživih podataka u priloženoj dokumentaciji predviđenoj Konkursom, koju je dostavila MA Aida Avdić, asistent na Odsjeku za geografiju Prirodno-matematičkog fakulteta Univerziteta u Sarajevu, kao jedini prijavljeni kandidat za izbor u zvanje saradnika- *višeg asistenta* za oblast: „Turizam“, Komisija konstatuje da kandidatkinja:

- Ispunjava sve opće uslove definisane u Konkursu za izbor SARADNIKA u zvanju VIŠI ASISTENT za oblast: „Turizam“ na Odsjeku za geografiju Prirodno-matematičkog fakulteta Univerziteta u Sarajevu- 1 izvršilac sa punim radnim vremenom, objavljenom 09.12.2021. godine u dnevnom listu «Dnevni Avaz», na web-stranici Fakulteta i na web-stranici Univerziteta u Sarajevu;
- U svojoj prijavi na konkurs, blagovremeno dostavljenoj, je uredno navela da konkuriše za izbor *saradnika* u zvanju „višeg asistenta“ za oblast „Turizam“ na Odsjeku za geografiju Prirodno-matematičkog fakulteta Univerziteta u Sarajevu- 1 izvršilac;
- Ispunjava sve propisane uslove za izbor *saradnika* u zvanju „višeg asistenta“ za oblast „Turizam“ na Odsjeku za geografiju Prirodno-matematičkog fakulteta Univerziteta u Sarajevu, određene članom 96. (Uslovi za izbor u naučno-nastavna zvanja), stav (1) tačka b) Zakona o visokom obrazovanju Kantona Sarajevo (Službene novine Kantona Sarajevo, br.33/17) i članom 194. stav (1) tačka b) Statuta Univerziteta u Sarajevu;

- Državljanica Bosne i Hercegovine;
- Posjeduje diplome visoke stručne spreme: *bakalaureat regionalnog i prostornog planiranja* i *magistar geografije, usmjerenje regionalno i prostorno planiranje* sa ukupno 300 ECTS bodova postignutih tokom studija;
- Prvi ciklus studija na Odsjeku za geografiju, smjer: „regionalno i prostorno planiranje“, Prirodno-matematički fakultet Sarajevo, završila je sa 240,0 ECTS bodova i s prosječnom ocjenom studija 8,91;
- Drugi ciklus studija završila sa 60,0 ECTS bodova i sa prosječnom ocjenom studija 9,67;
- Prosječna ocjena I i II ciklusa studija geografije (zbir svih ocjena/ ukupan broj predmeta) iznosi 9,02, i na oba ciklusa studija prosječna ocjena je veća od 8 (I. 8,91; II. 9.67);
- Prosjek na predmetima iz oblasti Turizam: 10,00;
- Dobitnica posebnog priznanja: „Srebrna značka“ Univerziteta u Sarajevu;
- Uspješno odbranila temu disertacije „Geografski aspekt proučavanja pograničja- primjer Bosne i Hercegovine“ (10.12.2021) na poslijediplomskom sveučilišnom doktorskom studiju „Doktorski studij geografije: prostor, regija, okoliš, pejzaž“ na Prirodoslovno-matematičkom fakultetu Sveučilišta u Zagrebu;
- Poznaje strane jezike: engleski (B2) i njemački;
- Posjeduje kompjuterske vještine: ESRI ArcGIS (ArcMap), Google Earth Pro, CorelDraw, WordPress sistem za upravljanje sadržajem (CMS), MS Office paket i dr.;
- Posjeduje radno iskustvo: *asistent* na Odsjeku za geografiju Prirodno-matematičkog fakulteta Univerziteta u Sarajevu od 10.07.2018. godine, kao i zakonsko pravo na napredovanje, jer prema Zakonu o visokom obrazovanju Kantona Sarajevo, ima proveden izborni period u zvanju „asistenta“ (četiri godine: 2018-2022);
- Aktivno učestvovala na 5 naučnih skupova (3 konferencije i 2 kongresa): učešće s radom, te u organizaciji i realizaciji skupova („član organizacijskog odbora“ i „moderator sesije“);
- Stekla je respektabilno nastavno-pedagoško iskustvo u svojstvu *asistenta* na Odsjeku za geografiju (izvodi vježbe na čak 12 predmeta, a 2 iz uže oblasti za koju se bira), kao i kroz dodatne edukacije i specijalizacije (pohađala 2 pedagoška seminara i radionice, UNSA);
- Posjeduje naučno-stručno iskustvo stečeno tokom učešća u realizaciji nekoliko konferencija, seminara i projekata;
- Aktivni član Geografskog društva u Federaciji Bosne i Hercegovine, koje baštini naučnu i školsku geografiju;
- Dosad je objavila u svojstvu *koautora* ukupno 12 naučnih i stručnih radova, dok od izbora u zvanje „asistent“ ukupno 8 (6 radova, 1 apstrakt i 1 praktikum), koje prate relevantne međunarodne i domaće baze podataka (WOS, Scopus, DOAJ, CGP, ROAD i dr.);
- Objavljeni radovi kandidatkinje od izbora u zvanje „asistent“ uglavnom korespondiraju sa užom naučnom oblasti navedenoj u Konkursu (Turizam), oko polovine radova (50%);

- Aktivno učešće na međunarodnim projektima: ERASMUS („participant“) i bilateralni naučno-istraživački projekat između Bosne i Hercegovine i Republike Slovenije ("Komparativna analiza prostornog razvoja održivog turizma u zaštićenim područjima Bosne i Hercegovine i Slovenije" – aktuelno, pozicija: „mladi istraživač“);
- Kroz aktivno učešće na ERASMUS programu razmjene (2019. i 2021.) dala svoj doprinos u podizanju međunarodne saradnje (Češka, Mađarska);
- Kroz učešće na doktorskom studiju, programima razmjene, naučnim skupovima i projektima ostvarila domaću i inostranu saradnju sa institucijama i kolegama iz oblasti „turizma“;
- Kandidatkinja je naučnim opusom značajno nadmašila minimalne uslove predviđene Zakonom o visokom obrazovanju za izbor u zvanje „viši asistent“ za oblast „turizam“.

Na osnovu svestrane analize dostavljenog materijala traženog konkursom koji je Komisija dobila na uvid i uvažavajući zakonske propise koji regulišu ovu oblast, Komisija konstatuje da MA Aida Avdić, asistent na Odsjeku za geografiju Prirodno-matematičkog fakulteta Univerziteta u Sarajevu, ispunjava sve, Zakonom o visokom obrazovanju Kantona Sarajevo (Službene novine Kantona Sarajevo, broj: 33/17, 35/20 i 40/20) i Statutom Univerziteta u Sarajevu, propisane uslove za izbor SARADNIKA u zvanju VIŠI ASISTENT za naučnu oblast “Turizam” .

Na osnovu svega izloženog, Komisija sa zadovoljstvom predlaže Vijeću Prirodno-matematičkog fakulteta Univerziteta u Sarajevu da prihvati Izvještaj Komisije i da Senatu Univerziteta u Sarajevu predloži izbor *saradnika*

MA AIDA AVDIĆ

u nastavno-naučno zvanje VIŠEG ASISTENTA za naučnu oblast „TURIZAM“ na Odsjeku za geografiju Prirodno-matematičkog fakulteta Univerziteta u Sarajevu, te da u vezi s tim nastavi zakonom predviđenu proceduru.

U Sarajevu, 17.01.2022. godine

KOMISIJA:

Dr.sc. Lejla Žunić, vanredni profesor, predsjednik

Dr.sc. Amra Banda, docent, član

Dr.sc. Amra Čaušević, docent, član